

明憲宗實錄

卷三十九至八十三
成化三年二月至六年九月

明憲宗純皇帝實錄卷之三十九

成化三年二月丁酉朔釋奠先師孔子遣太子少保戶部尚書馬昂行禮○是日日食○寧夏副總兵署都督僉事林威奏遼事凡數千言大要謂近因榆林寧夏一帶有警調京營及各處軍馬久頓邊城分屯就糧各堡虜酋乃安處河套則似以逸待勞彼反為主我反為客勢成側置虜若大舉入寇調集之軍亦與城守者無異今陝西西安洮河秦鞏等衛軍伍約有十萬之數簡閱精壯兵可得四五萬人脫有寇警就令鎮守等官酌量緩急分調平涼固原環慶鄜延等處表裏應援則戰守有備既不遽煩師旅亦可少省芻糧如果賊勢甚張方許乞師為援蓋今之邊兵多不足用弊豈在他古之為將者賞罰誠信號令嚴明故士卒畏將不畏敵今則反是以修明軍務為立異以從事

姑息為老成平居乏馭下之威故臨事多犯令之卒敗軍誤國
職此之由向此虜衝突邊疆我軍未能捍禦今其遠居河套安
可窮搜但使我能練兵儲糧堅壁清野使被進退失利虜可以
不驅而遁套可以不掣而清且今邊衛貪官狡卒糾結成風賣
富役貧抽強配弱是以甲仗非素習之器隊伍無共難之心養
士雖多無益國計乞勅各邊守將遴選所部官軍為二等年刀
精強騎射熟閑者為一等以備衝鋒破敵其次為二等以備戰
實廩老弱不堪者令守城屯田廩役每二千名委都指揮一員總
督指揮二員分督訓練調遣則全隊而行不使分散官旗當先
率領小旗殿後催督進退俱有節制罪責各有攸歸庶幾不費
有限之糧而畜無用之兵事下兵部請以其言付鎮守總兵等
官會勘可否施行從之○虜酋毛里孩三上書求入貢遣通事

詹昇齋勅獎諭之初曰朕天命承祖宗太業為天下主內
華外夷皆朕赤子也弗率循治化者有怒之而無終拒絕焉朕
則舍之且待以仁恩爾毛里孩昔年嘗來廷矣昨者忽擾我邊
陲今又悔過歸誠累次求來朝貢在邇諸將俱屬兵鋒焉以待
奏功在廷文武亦謂宜從邇將之言朕以天覆九有為心待久
爾來命通事指揮使詹昇齋勅爾勅至爾即領率部落退處
邊外戒令守法安靜任牧所遣朝貢使臣無得過三百人亦須
戒令遵依我邇將約束無得在途恣肆夫好生惡殺者天之道
朕之所奉以子民也爾能仰體朕心朕將錫福于爾俾永享太
平之樂豈不美歟○戊戌祭太社太稷○遣順天府官祭
先農之神○巡按陝西監察御史侯英奏洮州番族數寇邊指
揮使汪釗守備不職宜逮問兵部言釗屢以失機被宥且復行

勘未結今番寇方熾守禦乏人宜俟勘報併治從之○命原調大同宣府偏頭關等處搜勦河套官軍一萬三千人仍留各城守禦以虜酋毛里孩渡河入大同界也○南京戶部左侍郎陳望以母喪去任詔起復之○己亥以浙江布政司左布政使黃琛為南京戶部右侍郎○毛憐衛女直都指揮截乞納等來朝貢馬及貂等物賜宴并衣服綵段等物有差○加德府左長史屈祥右長史吳麟正四品俸王以祥麟隨侍讀書年久奏乞進秩上特允之○總督遼東軍務左都御史李東等奏海西建州等虜入鴉鵲關抄掠佛僧洞等處副總兵施英等分兵禦之遣都指揮鄭佐率軍五百前哨至雙嶺遇伏戰死一時陷沒者餘百人時英亦次樹遮嶺與叅將周俊兵合去佐不遠不能應援致損士馬挫軍威罪不可宥事下兵部言施英向以啓鑿要

功被勅令立功自贖今復行師失律致陷佐等誠宜逮問但兵興之際用人方急上是之曰施英姑不問仍令殺賊贖罪○先是烏思藏等處番僧朝貢數多勅鎮守洮州指揮汪釗選遊僧三人齎勅往諭靈藏贊善王禁約詐冒至是還禮部請每僧量賞緣段等物以酬其勞從之○鎮守獨石馬營內官進保奏守備赤城都指揮劉政托疾不會議邊事刑部尚書陸瑜等請行巡按御史究治其罪從之○總督遼東軍務左都御史李秉奏雙嶺之戰隨征官軍署都指揮鄧佐達官指揮使李剛等九十八人陣亡請以遼東都司官庫綿布人給四疋以備喪具從之○欽仕戶部尚書沈固卒固字仲威直隸丹陽縣人弱冠領鄉薦初授山東沂州同知時有建言州西寶山社產銀卅者詔下有司劾實固執奏謂費多而得少恐勞民且致變事得中止

氏甚感之未幾以安養軍民事徵入爲戶部員外郎尋進郎中擢山東左叅政督餉給軍迨北洪熙間命以本官於大同總兵官武安侯鄭亨處書辦邊方兼用文臣始此正統初進戶部右侍郎己巳之變率駕北狩幸大同偕守將出見奉命括官庫金帛以犒虜酋或以爲不可固盡所有以獻事聞戶部請下吏較勘然事卒不竟其年以城守勞進右都御史尋以却虜功轉左都御史言者攻之不已遂乞致仕英廟復位石亨薦爲戶部尚書寵賚日隆三年復休致至是卒賜祭葬如例國體貌魁梧性直率不拘細行歷官五十餘年雖無大建明然在邊二十七年深達虜情上下安之○庚子賜德王歲用米鹽等物王累奏本府日用白熟粳米食鹽及內官內使每月柴米并養馬料草俱在內府關支今將之國一時難於措辦乞勅有司仍舊關用

候莊田成收日停止 上元王奏令今歲撥與白熟粳米二百
八十三石有奇食鹽歲與一百引馬草料到府日為始給五閱
月內官內使於所在官倉每月人給米四斗以資食用五閱月
而止○陞翰林院修撰劉宣為右春坊右諭德以九年秩滿也
○吏部奏十三道監察御史吳遠等言兵部尚書王祐練達邊
務緩急可用今家居養病宜速起之以慰羣望事下臣等議今
正用人之際宜從所言內批王祐不體朝廷陞用之意推病避
難既去如何再用就令致仕○都察院左副都御史賈銓等奏
雲南楚雄衛軍有奏指揮李嵩等擅開銀聚衆為姦利者雲南
縣民有奏知府李遜知縣郭凱受賄枉法者事下雲南按察司
關委洱海金滄二道問理二道分巡官不親臨按問轉委鎮撫
知縣鞠之且獄詞多不明按察司亦不駁正但據成案呈覆雲

南道御史覺其失請皆治罪仍通行天下布按二司遇有委任
必須躬理不許轉委從之○辛丑陞南京尚寶司少卿夏瑄為
本司卿以九年秩滿也○命協同鎮守涼州都督同知趙瑛鎮
守甘肅右都督李榮所統延綏等城守禦官軍仍還甘涼寧夏
各衛防時甘肅總兵蔣琬等奏虜寇逼近寧夏賀蘭山警報日
至山後與甘涼等境平曠相連虜易衝突今甘涼軍馬除調與
都督趙瑛李榮率往延綏莊浪等處殺賊者共一萬三千存留
無幾萬一此虜覘我無備乘機入寇城孤援寡貽患實深會涼
州守臣亦以為言兵部議以河套既少寇警延綏軍馬俱應遣
還而瑛等亦可令歸舊鎮庶不顧此失彼上從之仍諭兵部
移文延綏守臣勿以虜衆既遁而弛備○命都指揮楊璵原領
協守大同京軍分遣二千守紫荊關從守關都指揮張英言關

口數多守備官軍不敷也○大同總兵官修武伯沈煜等奏虜寇四散攻燬大同朔州墩堡殺掠官軍財富分守大同西路叅將范瑾遣都指揮使馬儀毛永周永指揮滕瑾張英等率軍分道禦之惟馬儀破走賊衆獲其馬騾諸物滕瑾張英力戰而英身中七矢然被殺傷士馬數十毛永周永策應遲誤范瑾指受失宜俱應究問兵部言英被創不敗功可掩過餘若瑾等可罪但恐遲問展轉有誤違守上宥范瑾毛永等全俱戴罪殺賊自効○召鎮守蘭縣都指揮同知管斌還京停俸閒住以廷臣議其不職也○壬寅設直隸秦強縣僧會司○分守肅州右叅將都指揮王裕成化二年七月行取赴京求賂於所部挾重貨以行既陞職復之治所所挾猶有餘至甘州為邏者所發有司執其子及家僮鞠問併得在道淫濫狀於是鎮守巡撫等官逮

章劾奏都察院請逮主京廷鞠之詔可○癸卯命巡撫大同右副都御史王越贊理軍務兼紀功賞巡按御史常振止於楊信軍前紀功蓋初已命振總紀功賞至是從撫寧侯朱永等之請併委越焉○陞武成後衛正千戶劉忠為指揮僉事不為例忠德王妃父時王將之國為忠陳乞也○賜沁源王府故鎮國將軍幼墀夫人宋氏食米歲五十石○兵部奏叢巡撫陝西都御史項忠都督李景張榮等俱以失機被劾後果以懷姙避事問發充軍榮召還聞住忠等待邊境寧後具實以聞今虜寇東遁西師解嚴忠等宜有所處上曰虜寇尚未盡寧邊事委用方急項忠等仍記罪不問○湖廣都指揮翟璫先征進荆襄特掠民人與人為奴至是為被掠者所告都察院請付巡按御史治其罪從之○甲辰國子監祭酒邢讓等奏國子監祖宗以來

欽降勅諭學規所以欽崇勸勵之道固不周備歷歲綿遠恐致遺失今本監原有磨成石碑乞將學規募工鐫石樹立太學中門外使師生人等永遠遵守從之○兵部尚書兼翰林院學士彭時歸省還任○總督遼東軍務左都御史李秉言建州虜寇因結海西女直抄掠邊境今海西虜使在京者審譯之皆云部內惟嘔罕河兀者肥河三衛附近建州黨比為寇遂降勅切責併付武忠往諭之○命太子少保戶部尚書馬昂右副都御史林聰左給事中潘禮陳鉞清理京營軍士時六科給事中言邊城既要有警京師根本重地尤當戒嚴其京營軍士強壯可用者多為權勢役占乞初剛正大臣一負檢兩清理訓練聽用庶虜寇聞風知懼而民心可安上允其奏下兵部具大臣銜名上請上以命昂聰等又命擢剛正給事中二負僉以潘禮陳

紙應命於是禮部尚書兼翰林院學士陳文等言五軍三千神機三大營總統內外官軍計數十萬頃緣虜賊小警遣將分兵二萬後之號召旬日不能具數因命昂等大閱壯勇一十五萬人以俟繼舉然今承平日久衛所空虛軍士多為權豪勢要之家占恤私役按月納錢必得內臣剛方練達者與昂等共事然後可以剷除宿弊命司禮監太監懷恩為中外所服宜勅令同昂等協力奉行庶幾有濟上從之乃勅昂等曰朕以在京五軍三千神機等營軍士大率有名無實視其名則案牘充盈究其實則隊伍空虛開糧之際填塞倉衡受賞之日溢滿禁塗及至欲收集部曲往赴邊鄙累旬日不能得數萬蓋總兵等官縱之歸休役之私用接受貨賄買閒者有之應付權豪占用者有之其弊甚多難以枚舉今特命太監懷恩會同爾等按籍查考

除已調之數不與即將見在軍士點開且以十五實數來報具
有仍蹈前非隱蔽不報抗拒不服聽爾等會議處治重則奏聞
等因剗奪清理之後仍別立為良法以備調用夫朝廷勞天下
之民以養兵而耗天下之兵於姦弊兵民日困姦弊日深及至
有事之時爾等付之長嘆息而已則曷若今日爾等不避怨怒
盡搜其弊源而窒塞之以復我祖宗時兵制之威乎簡任惟
篤期於見效爾等其欽承朕命故勅○直隸新城縣縣丞邢政
上言刑獄者國之大事也輕重毫釐之間死生所繫不可不慎
切見各都布按三司及各府俱有斷事理問推官等官專理刑
獄所以少有冤抑惟各州縣因無刑官凡有囚徒互相推避間
有理者情偽罔察及議擬罪名多憑吏典或為發之人任意出
入中間或追無賊仗或證佐逃亡或同犯未獲止憑文具緝錄

成獄反至呈詳又因招擬未明駁回再問經年累歲不能斷結
枉結終身死而後已其情重當死者固不足惜但情輕誣死者
豈無抱恨衡所罪凶寃滯尤甚傷天地之和召水旱之災多在
於此乞勅法司計議直隸地方行移巡按御史布政司所屬行
移按察司分巡官或推委在京法司官分詣各處將見監罪囚
人卷逐一詳審情輕者即與於遣情重無寃者候呈詳情可矜
疑者奏取 上裁如此則天意可回災異自弭奏入下所司議
行○乙巳四川馬湖府沅溪長官司遣舍人王懋富等施州衛
施南宣撫司遣頭目劉度等各來朝貢馬賜緣段寶鈔有差○
宥彰武伯楊信罪信為總兵官先在大同私役邊軍伐木營利
為巡按御史所奏詔令自陳至是信具陳伏罪宥之○丙午
英廟昭妃武氏薨妃順天府大興縣人錦衣衛百戶寬之女宣

德幸亥生八年選入內庭天順改元兩為昭妃小心敬謹深見
信重至是薨年三十有七謚曰端莊上報朝言自聞喪至掩
壙祭葬如制○總督兩廣軍務左僉都御史韓雍等奏猛賊攻
陷北流縣殺虜男婦五百八十餘人守城百戶率兵禦之不足
而死左叅將夏鑑等追捕至野狸山等處屢戰敗之擒斬二百
四十餘人收獲^收虜男婦四百餘口宜治都指揮林聰守備失機
夏鑑避敵玩寇之罪但鑑頗立功自劾兵部言廣西賊勢橫流
不已其撫治不職犯備失機恐不止聰等二人宜併督責雍等
使盡心勦賊從之○丁未遣戶部尚書張庸祭京都太倉之神
○遣順天府官祭宋丞相文天祥○降勅獎諭大同都指揮馬
儀馬欽李愷千戶蔡瑄以儀等於大同西路擒斬虜寇功也○
命廣寧前屯備禦都指揮同知裴顯充副總兵分守遼陽時總